

漢

書

疏

證

漢書疏證卷二十七

王莽列傳第六十九上

習學記言曰周衰之後秦人雖滅聖法長苛  
剌然猶是情性之流失者譬如染習緇玄蓋  
素來也至王莽變天下以諂偽所謂加蘇合  
于糞九好惡向背失本質矣如符命圖讖之  
類人心皆轉易而不自覺雖東漢有節義之  
俗然內而朝廷外而邑里千載相師莽習故  
在不復能自還可哀也至於文章亦是張竦  
餘筆珠珥在耳首飾猶存豈復漢語魏晉齊  
梁之體已見矣

家凡九侯五大司馬

師古曰外戚傳言十侯此云九者以鳳本嗣禁為侯

愚按此說非也王氏十侯惟莽後封此傳為莽起文故以前封者為九侯合莽乃十也元后傳明言王氏親屬侯者凡十人是兼淳于長言之顏注外戚傳既云鳳嗣禁不當重數此猶云云豈不自相違伐乎

聘諸賢良

宋祁曰諸當作請

其以黃郵聚戶三百五十益封莽

水經注曰棘水又南逕新野縣歷黃郵聚謂之黃郵水 宋祁曰說文曰郵境上行書舍也倉頡篇曰郵過書之官也廣雅云驛也益封莽別本越本無莽字  
吏上書寬訟莽者以百數

宋祁曰吏字下當有民字  
莽色厲而言之

宋祁曰當作而言方

太后問公卿曰

宋祁曰問字上當有召字

下準行事

劉敞曰行事即已行之事

越裳氏重譯獻白雉

宋祁曰熙寧監本越本無裳字

封功如蕭相國

劉敞曰封字符 宋祁曰邵本云封加如蕭

相國

比加元服

宋祁曰元服下當有者字

臣莽數叩頭省户下白爭

日知錄曰省戶即禁門也蔡邕獨斷曰禁中者門戶有禁非侍御者不得入故曰禁中孝元皇后父大司馬陽平侯名禁當時避之故曰省中

思不出乎門閤

宋祁曰監本無門字

兆遇金水王相卦遇父母得位

張晏曰金王則水相也

謂泰卦乾下坤上天於地是配享之卦

劉攽曰予謂但言父母得位安知是泰卦乎

不悔鰥寡

宋祁曰監本越本無不悔鰥寡四字

更徵遠屬事執張見其不難矣

宋祁曰徵字當作懲其字下當有然字矣字

當刪

與大司徒光

宋祁曰徒當作馬

入金錢獻田

大德本無金字

標末之功

服虔曰標音刀末之標  
師古曰標音匹逸反

宋祁曰予案字林標刀削末銅也音匹么反

六子皆封

愚按左氏傳凡蔣邢茅胙祭周公之亂也  
即羣下較然輸忠

宋初曰輸浙本作諭下文輸同

惡與管蔡罪罪

宋初曰越本邵本無惡字

宰衡掾史秩六百石三公稱敢言之

劉放曰宰衡以下前已有其事此復重出當

刪併從上

徵助祭



宋初曰淳化本祭字下有祀字

誠上休陛下餘光

宋初曰晉灼音義休作艸下休

復見前重陳

宋初曰當依越本作復重見前陳

富平侯張純等

宋初曰越本無富平侯三字

瑒瑒瑒秘

劉攽曰瑒宜從易

句履

宋初曰韋昭曰句履頭飾形如刀鼻音舫禮記作約亦是

秬鬯二酋

師古曰秬鬯香酒也

宋初曰字書曰秬黑黍一桴二米也

有事府第皆用傳

宋初曰韋昭曰傳二封啟也

子午道從杜陵直絕南山徑漢中

師古曰子北方也午南方

也言道南北道相當故謂之子午

子午谷又宜州西

界直

南山有谷通梁漢道名子午谷又宜州西界直

州東界有山名子午嶺計南北直相當此

則北山者是子南山者是午共為子午道

劉奉世曰史文以從杜陵徑漢中為子午道

耳顏之所見非史意也

覆上棧下

宋祁曰韋昭曰棧柴也

刵其軀

宋祁曰舊作刵其體鄧展刵音近跣音灼音  
刵字林曰刵切也

負籠倚錡

宋祁曰倚當作荷錡或作垂音文涉反

王邑等破翟義於圍

宋祁曰韋昭曰圍故屬淮陽後屬陳留呂靜

曰圍音語

故得萬國之歡心以事先王

宋初曰印本先字上有其字

今制禮作樂

宋初曰越本無今字

周公屏成王而居攝

師古曰屏猶擁也

劉敞曰予謂屏者即荀子所言屏成王而及

武王屏猶却也

成在一匱

師古曰論語云

劉敞曰予謂此言莽制作已成尚有未足欲

留之者也當引書云譬如為山九仞功虧一  
匱以解之

復以示公義焉

服虔曰不舍  
光罪為公義

劉奉世曰菴不服喪亦以示公義

過密之義訖于季冬

張晏曰平帝以元始五年  
十二月崩至此再菴年也

劉奉世曰平帝崩至居攝之年十二月實三

菴非再菴也蓋菴自謂義經過密實非三菴

不以二十五月也或曰此事當在三年冬誤

記於此年耳

十一月壬子直建冬至

淮南子天文訓曰寅為建卯為除辰為滿巳為平午為定未為執申為破酉為危戌為成亥為收子為開丑為閉

臣莽風夜養育隆就孺子

劉奉世曰此居攝二年冬也至此始請以居攝三年為初始元年似是二年冬事疑傳有差誤

赤帝行璽

宋祁曰越本邵本云赤帝璽無一行字

以十二月朔癸酉為建國元年正月之朔

劉攽曰恭改年為始建國但云建國者誤也  
皆當有始字 宋初曰癸酉字下當有改元  
二字

王莽列傳第六十九中

少阿義和京兆尹紅休侯劉歆為國師嘉新公  
宋初曰少阿音灼音義作少阿訓阿取阿  
衡一字也音依倚之倚李奇音奇紅休南本  
作林字

後丞承陽侯甄邯為大司馬美新公

宋初曰承南本作丞

以故大鴻臚府為定安公第

宋初曰卽本無故字新本添

熒惑司慙南獄

宋初曰韋昭曰司慙南方曰視君視明則臣  
聽慙

分主中都官諸職

宋初曰或無官字

中尉曰軍正

劉放曰中尉廢久此安得更名蓋是中壘校  
尉脫兩字



又置大贅官主乘輿服御物

劉奉世曰贅讀如虎賁綴衣之綴  
又置司恭司徒司明司聰司中大夫

劉放曰徒改從

光施于遠

宋祁曰施一本作化

於是封姚恂為初睦侯

宋祁曰字書恂信也音詢

國師劉歆子疊為伊休侯

宋祁曰伊休穀是紅休

四代古宗宗祀于明堂以配皇始祖考虞帝

劉奉世曰四代以下十七字其義不倫莽方封先聖後未當及此且已有後文此字當衍

皇始祖考虞帝以宗祀于明堂

宋初曰南本云皇姓始祖考以當作已

家之所尚種祀天下

師古曰言國已立大禘祠先祖矣其象庭之家所尚

者各令傳祀勿絕  
普天之下同其法

劉奉世曰此謂莽家所尚之種祀示今天下

傳以為種祠不得不奉祀亦猶漢高之枹榆

社也

分治黃帝園位於上都橋時

劉敞曰都當作郡

是歲四月徐鄉侯劉快結黨數千人起兵於其

國

宋祁曰越本無是歲二字韋昭云徐鄉東萊  
縣也

予則奴戮女

刊誤補遺曰師古曰奴戮戮之以為奴也說  
書者以為戮及妻子此說非也秦誓云囚奴  
正士豈父子之謂乎按越語句踐徇于軍曰

左而不在左右而不在右身斬妻子鬻此殆  
倣甘戰誓師之法而過於殺者顏氏囚奴之  
說雖不失為近厚方用兵行師之際有不用  
命而罪止囚奴其身何以使人致死蓋戮非  
必殺之或剗則墨刑以為辱孥戮謂從妻子  
之類也此書上文有戮于社之言而繼之以  
孥戮是不止於辱及其身矣此用兵行師之  
法不可與國之常刑同日而語然視罰弗及  
嗣罪人不孥要為有愧 又曰戮有二義文  
之無畏扶宋公之僕或曰國君不可戮也子  
蕩以弓楛華弱于朝子罕罪其專戮此戮辱

之戮也魏絳戮揚干之僕至于用鉞趙簡子  
言絞縊以戮此殺戮之戮也孔注甘誓以為  
非但汝身辱及汝子此為深會經意正義乃  
謂并殺汝子豈不啟後世多殺之禍也哉

俱陷于辜

宋祁曰越本辜作臯

故是日天復決其所以勉書

宋祁曰別本無復決其三字邵本無其字

愚按大德本無所字

女作五威中城將軍

宋祁曰中或作閔

函谷批難掌威于左

蕭該音義曰素晉灼音義作批難字林云擊也父迷反廣雅曰批擊也釋名曰批兩指相裨助共擊也 宋祁曰掌當作堂

治者掌寇大夫陳成自免去官

日知錄曰蓋先幾而去

初設六筦之令

宋祁曰韋昭曰筦謂禁地面猶開一路以專

之如筦者

自稱廢漢大將軍

日知錄曰自稱漢大將軍也下文云亡漢將軍同此意自蔡言謂之廢漢亡漢耳

收繫男子即常安姓武字仲皆逆天違命

宋祁曰男或作妻字一本無違字

相威將軍李琴

宋祁曰韋昭曰琴音蹠禁反字林曰琴支條  
琴麗也

轉衆郡委輸五大夫衣裘兵器糧食

劉奉世曰五大夫不可曉疑衎

非五威將率所班皆下獄

蕭該音義曰所班舊作所辨案韋昭曰辨布也音班或作班

並富貴矣

宋初曰或無貴字

歆子侍中東通靈將五司大夫

劉奉世曰東通靈將五司大夫亦疑其譌非

史本文

此一天子也



宋初曰天或作大

詣王路四門

宋初曰路字下有門字

病悸寢劇死

宋初曰悸舊作喘

大官齋構乾肉內者行張坐卧

宋初曰淳化本無內字新本肉字下去內者

行

戊曹士收繫僕射

蕭該音義曰予按春秋說曰土戊也五行書

曰戊巳屬土王莽自以土行音懋

大司空邑斥士以謝

劉攽曰前云斬士後云斥士則非斬也疑是  
斫字

河東河內弘農河南潁川南陽為六隊郡

劉奉世曰河南當為滎陽莽所分以為六隊  
之一也下文自有河南大尹更為保忠信卿

益河南屬縣滿三千置六郊州長各一人

劉奉世曰當為六郊衍州字

祈隧故滎陽

劉奉世曰此祈墜即莽六隊之一也莽蓋分

河南之滎陽置郡

及稍所畧邊民生口在者皆還之

劉攽曰稍所畧非辭當云所釵畧傳寫誤爾  
愚按稍所畧言稍稍所畧也即陸續之義

遂致命而還之

劉奉世曰之字衍

一切貪殘日甚

宋祁曰甚下當有是時二字

傅相舉奏

宋初曰傳疑作傳

邯鄲以北大雨霧

劉放曰霧字疑非

十綾布二匹

蕭該音義曰韋昭曰四秉曰廿十廿曰綾十  
綾為禾四百秉也

辟任附城食其邑

宋初曰如淳曰辟公主也任宗室女也蕭該  
案爾雅曰皇王后辟君也

以什率多火而損膳焉

宋初曰什字下當有計字

大司馬保納卿言卿仕卿作卿京尉扶尉兆隊  
右隊中部左洎前七部大司徒保樂卿宗卿秩  
卿翼尉光尉左隊前隊中部右部有五郡大司  
空保予卿虞共卿工卿師尉列尉祈隊後隊中  
部洎後十郡

劉敞曰此文誤但當云大司馬保納言卿作  
仕卿大司徒保樂卿秩宗卿大司空保予  
虞卿共工卿不合分為兩也 劉奉世曰其  
言七部亦當云七郡然共有二十五郡尚未

及二十五郡親字當有誤

及六司六卿皆隨所屬之公保其災害

劉奉世曰莽所六司又已有六卿此當但云  
司卿即所謂三公司卿曰司允司直司若者  
也後人不曉又妄加兩六字耳

復令公卿大夫諸侯二千石舉四行各一人古師

曰依漢光  
祿之四科

劉奉世曰四行蓋前已舉德行言語政事文  
學今復令舉之非光祿四行

宜罷兵屯田

宋祁曰宜或作一旦者非是以竹筵導其脉

蕭該音義曰筵音平訂之訂筵草也予案字書曰訂評議也音亭字林曰筵維絲管也大丁反

封剝胡子

蕭該音義曰韋昭曰剝又作剝音芟

王莽列傳第六十九下

考之經藝合之傳記通於義理

宋祁曰考之合之下各當添於字通字下當

漆之字

盜賊起

宋初曰起上當有興字

鑄作威斗

初學記引謝綽宋拾遺曰張永開玄武湖古冢上得一銅斗有柄太祖訪之朝士何承天曰此是新室威斗王莽王公亡皆賜之物一在冢內一在冢外于時江左惟有甄邯為大司徒俄而又得一斗復有一石書甄邯之墓

愚按邯死在前威斗後作莽傳亦無王公



亡皆賜之語此乃不根之談承天何所自本  
拾遺不可信明矣宜撰宋書者不之引也大  
抵六朝習尚矜言博物如南齊賈淵世傳譜  
學孝武世青州人發古墓銘云青州世子東  
海女郎帝問學士鮑照徐爰蘇寶生並不能  
悉淵對曰此是司馬越女嫁荀晞兒檢訪果  
然考之晉書荀晞傳晞本無子且晞陳越罪  
狀奉詔封晞不應有昏姻之事史家好述異  
聞不相檢勘大率如此

夏履南山臧薄冰

應劭曰夏履南山就陰涼也臧薄冰亦以除暑也

愚按此解無大悖繆何以莽謂文意甚害蓋  
南山非幽隱之區夏履當甚陽之日而中心  
長懷憂勤惕厲如履薄冰一以譏莽之不可  
恃一以明已之能先幾也

前朱鳥

宋初曰鳥當作雀 愚按天官書朱鳥與蒼  
龍白虎等列不必定依曲禮也

是歲赤眉力子都樊崇等

劉歆曰力當作刀

太傅義叔士孫喜

愚按莽以劉歆為羲和後以魯匡代之士孫  
喜為羲叔景尚為羲仲曹放為和仲

著古名將樂毅白起不用之意及言邊事凡三  
篇

愚按裴松之注三國志引之曰嚴將軍兵法  
卧則枕鼓以鐵著食

宋祁曰南本云卧則枕數尺鐵非是  
迺者日中見昧

蕭該音義曰昧字林云日旁作未言昧爽且  
明也日闇昧云昧升勺後星也音芒大反予

案易曰日中見沫非音昧也當音芒太反

兆域大將軍王匡

劉奉世曰兆域二字無理當是北城字衍大  
字前有南城將軍此王匡又別一王匡也  
郡卒正連帥大尹為偏將軍

宋初曰卒字當作率

以給傳車馬不能足

劉攽曰以給當屬上句

建章承光包陽大臺儲元宮

劉攽曰建章與宮同名疑當是字誤

帶高增下

宋初曰帶當作本

皆沒入為官奴婢

宋初曰淳化本景本入字下有官字

儲夏自請願說瓜田儀

服虔曰儲夏人姓也

劉奉世曰注脫一名字

太傅平化侯

宋初曰侯下當有唐尊二字

以救斲斬

師古曰交懼斲死之刑也

宋初曰交懼斲斬死罪之刑也

各從吏士百餘人乘船從渭入河

宋初曰越本土作七舡當作船

禮曰承天之慶萬福無疆師古曰禮之祝詞

愚按此二語見儀禮士冠禮

納言將軍嚴尤秩宗將軍陳茂車騎將軍王巡

宋初曰車騎監本作車馬 劉奉世曰車馬

將軍非官名字之誤也尤茂前云大將軍此

云將軍未知孰誤然其它多如此者

### 前歌後舞

愚按語本今文秦誓尚書疏引之

言誠欲與公共安宗族

宋祁曰族字或作姓

更始將軍史謚行諸署

劉奉世曰或言更始或言寧始未知孰誤

右庾剌木校尉

日知錄曰剌克同取金剌木

從閩鄉南山

蕭該音義曰韋昭曰閩音旻

傳莽首詣更始縣宛市

劉攽曰王莽三十八為大司馬五十一居攝

五十四即真六十八誅死居攝三年號初始  
元年始建國五天鳳六地皇四

叙傳第七十

梁書蕭琛傳曰始琛在宣城有北僧南度惟  
賡一萌蘆中有漢書序傳僧曰三輔舊老相  
傳以為班固真本琛固求得之其書多有異  
今者而紙墨亦古文字多如龍舉之例非隸  
非篆又劉之遴傳曰案古本叙傳號為中  
篇今本稱為叙傳又今本叙傳載班彪事行  
而古本云稚生彪自有傳史通曰蓋作者



自叙其流出於中古案屈原離騷經其首章  
上陳氏族下列祖考先述厥生次顯名字自  
叙發跡實基於此降及司馬相如始以自叙  
為傳然其所叙者但記自少及長立身行事  
而已逮於祖先所出則蔑爾無聞至馬遷又  
徵三閭之故事放文園之近作模楷二家勒  
成一卷於是揚雄遵其舊轍班固酌其餘波  
自叙之篇實煩於代雖屬辭有異而茲體無  
易尋馬遷史記上有軒轅下窮漢武疆宇脩  
闊道路綿長故其自叙始於氏出重黎終於

身為太史雖上下馳騁終不越史記之年班固漢書止叙西京二百年事耳其自叙也則遠徵今日起楚文王之世近錄賓戲當漢明帝之朝芑括所及踰於本書遠矣而後來叙傳非止一家競學孟堅徃風而靡施於家譜猶或可通列於國史每見其失者矣 習學記言曰自詩書之作皆有叙所以繫事紀變明去取也司馬遷變古法惟序已意既已失之然包括上古收拾遺散操縱在心猶時有高遠之意常人所不能測知者及班固効之

而淺近複重往往不過常人知識之所能及  
至其後史官則又甚矣是遷之法一傳而壞  
曾不足以行遠非復古史法不可也 又曰  
班嗣報桓生書班彪王命論卑蒞淺俗遂成  
魏晉之文無復春秋秦漢髣髴蓋學者大患  
溺於耳目之所是而忘其宗則道德日以淪  
墜而不可反魯臧文仲漢董仲舒劉向父子  
是也至彪固無可言矣

令尹子文之後也

宋初曰今越本無之字

楚人謂乳穀謂虎於擇

宋祁曰淳化本作楚人謂乳為穀謂虎為於  
擇

名見晏昵殿

宋祁曰張晏曰晏昵解與師古說同字林曰  
昵近也乃吉反

志節忼慨

宋祁曰忼字越本作慷

會定襄大姓石季羣輩報怨殺追捕吏

宋祁曰石季越本作石李報怨殺淳化本及

越本作報怨寇追殺

時長信庭林表

宋祁曰林表晉灼曰應劭書作材表官人之  
有材能者表其師也張晏曰林君也表外也  
於宮外傳威儀也

數遣中盾請問近臣

蕭該音義曰中盾韋昭曰太子宫中盾長也

該案盾音允

方欲文致太平

師古曰言欲以  
文教致太平

劉敞曰公羊春秋說文致太平者以春秋亂

世但聖人作文致之如太平耳莽政既惡而飾虛以自章大是亦文致也豈謂文教致太平乎

不覲驕君之解

宋祁曰覲字書火又反

今吾子已貫仁義之羈絆

宋祁曰絆字書音半

伏周孔之軌躅

宋祁曰鄭氏云躅音拘搨之搨

何用大道為自眩曜

宋祁曰曜字下浙本有也字

時隗囂據壘

宋祁曰壘字下當有右字

帶州城者

宋祁曰城或作域

又愍狂狡之不息

宋祁曰韋昭音義作火旁息音熹既反字林

音息是以今漢書止作息字

是故劉氏承堯之祚氏族之世著乎春秋

日知錄曰春秋左氏昭公二十九年傳陶唐

氏既衰其後有劉累者學擾龍於秦龍氏以  
事孔甲師古引士會奔秦其處者為劉氏則  
又其苗裔也

不知神器有命

劉德曰神器壘也李奇曰帝王  
賞罰之柄也師古曰李說是也

劉奉世曰神器者聖人之大寶曰位是也

思有短褐之褻

蕭該音義曰字林曰褻裘衣也文篋反

所願不過一金

李善文選注引韋昭曰一斤為一金

而欲闔奸天位者虜



宋初曰奸字詁曰古文干字

槩稅之材

蕭該音義曰韋昭槩音節一名櫛即柱上方木也鄭氏槩音贅應劭曰爾雅曰稅朱櫛也

音劣反

李善文選注引應劭曰爾雅曰櫛謂之槩稅侏儒柱

斗筲之子

蕭該音義曰字林曰筲飯管也受五升秦云山交反該案籍或作筲論語曰斗筲之人何足筭也

覆公餗

蕭該音義曰字林曰餽鼎食也韋昭音義餽  
字作鬻曰菜羹曰鬻音速該案字林餽或作  
鬻字異音訓則一

垂策書於春秋

李善文選注引張晏曰冊書史記也晉灼曰  
至周名春秋考紀也

秦皇東遊以厭其氣

蕭該音義曰韋昭曰厭合也劉氏曰厭當也  
絕信布之覲覲

蕭該音義曰字書曰覲聿也覲欲也

母貪不可幾

李善文選注引韋昭曰幾望也今本作冀  
知隗囂終不寤

蕭該音義曰隗囂諸詮上五罪反下許妖反  
咨孤矇之眇眇兮將圯絕而罔階

蕭該音義曰韋昭曰圯毀也音敷委反字書  
父已反

豈余身之足殉兮悼世業之可懷

蕭該音義曰字林曰殉殺生送死也說文悼  
籀文躄躄是也劉氏及廣雅並云悼恨也

愚按李善文選注引項岱曰殉營也

魂煢煢其神交兮

宋初曰其字當作與

覲幽人之髣髴

李善文選注引項岱曰覲見也

助昕寤而仰思兮心蒙蒙猶未察

蕭該音義曰鄧展助音昧該案字書助尚冥

也音勿諸詮方昧反 劉奉世曰但以察合

韻音蔡則協韻矣 愚按李善文選注引韋

昭曰助音昧又音忽

儀遺識以臆對

蕭該音義曰蒼頡篇曰識書河洛書也該案  
諸詮音楚鴉反 李善文選注引應劭曰黃  
黃帝也作占夢書邀遠也言黃神邀遠無所  
質問依其遺識文以肖臆為對也 愚按黃  
為黃帝神為神農即伯夷所為黃農是也藝  
文志有黃帝占夢亦有神農大幽五行黃神  
雖本淮南子然無明文安得專指為黃帝乎  
葛綿綿於樛木兮

蕭該音義曰樛亦作利韋昭曰利下曲也居

駟反

既評爾以告衆兮

蕭該音義曰說文曰評讓也息悴反 宋祁

曰告當作吉

鍾生民之晦在

蕭該音義曰晦韋昭音謀鬼反又音梅字林

曰晦微視美目貌

豈群黎之所御

李善文選注引張晏曰豈衆人之所能預自

防止耶

張修裸而內逼

蕭該音義曰晉灼曰裸音素衣朱裸該案詩  
音博字林曰裸黼衿也方沃反

安悒悒而不葩兮

蕭該音義曰葩牛羊腓字之腓葩假借腓韋  
昭曰葩避也音肥晉灼音義作避云避避也  
曹大家注幽通賦云葩避也

固行行其必凶兮

蕭該音義曰行行諸詮音胡浪反  
形氣發於根柢兮柯葉景而靈茂

蕭該音義曰彙服虔曰彙類也音近卉服虔  
音卉應劭音謂該案字書音謂 愚按李善  
文選注引韋昭曰祇本也應劭曰彙類也  
恐同蚘之責景兮慶未得其云已

李善引應劭曰諸子以顏冉季路逢灾蹈害  
或疑其身或非其師是由同蚘問景乃未得  
其已也言同蚘責景之無操不知景之行止  
而有待或非三子之行殊不知吉凶之由命  
也故云恐同蚘之責景羗未得其實言也

羸取威於百儀兮姜本支虜三止



蕭該音義曰止文選作趾 劉奉世曰百儀

則相翳也語訛耳

伯祖歸於龍虎

孟康曰歲在酉入卯為龍酉為虎也

劉敞曰重耳之出也歲在大火故云龍及其入也在大梁故曰虎非卯酉也

重醉行而自耦

李善文選注引項岱曰重晉文公重耳也應劭曰耦與天時耦會也

彌五辟而成災

宋祁曰注未當有五辟宣元成哀平也

復冥然而不周

蕭該音義曰晉灼曰復音目復復而喪精呵  
縣反該案目復復而喪精出王延壽靈光殿  
賦諸詮音呼政反韋昭曰復遠也呼迥反  
胥仍物而鬼詛兮迥窮宙而達幽

蕭該音義曰字林曰詛聚謀也子于反諸詮  
祖侯反韋昭曰天宙所愛曰宙曹大家注幽  
通賦云往古來今謂之宙聖人所以能極數  
而知來者皆因卜筮謀於鬼神

旦算祀于挈龜

劉敞曰算祀挈龜亦言田完耳其兆有五世

八世是祀也

妣聆呱而刻石兮

蕭該音義曰該案曹大家本作劾石曹注舉

罪曰劾

神先心以定命兮

宋祁曰別本皆無命字

幹流遷其不濟兮故遭罹而羸縮

李善文選注引項岱曰幹轉也遷徙也羸過也縮不及也遭遇也罹憂也言人受先祖善

惡之迹轉徙流行故有遭遇禍福相及也

周賈盪而貢憤兮

蕭該音義曰貢晉灼音義作心旁貢字林曰  
憤憤也李奇曰憤懣也孟康曰憤惑也該案  
貢合作心旁貢

抗爽言以矯情兮

李善文選注引項敞曰抗極過差之言以矯  
枉其情耳

迺輜德而無累

李善文選注引晉灼曰與萬物無害累也

三仁殊而一致兮夷惠舛而齊聲

蕭該音義曰舛字林充絹反錯也 愚按李

善注文選本作三人殊於一致引項岱曰三  
人所行各異俱至於仁也

侯少木之區別兮

宋祁曰周詩曰侯文王孫子毛傳曰侯維也  
觀天罔之紘覆兮寶裴謔而相順

李善注文選本順作訓引項岱曰天網大覆  
人上非不信也誠欲有誠實於世間亦當相  
輔助教也

神動氣而入徹養游騁而獲號兮

宋初曰徹當作微游蕭本作流音義曰該索  
春秋作養由今漢書作流古與流亦互用

矧湛躬於道真

蕭該音義曰湛文選作醜

復心弘道惟賢聖兮

蕭該音義曰復一作腹張晏曰以道為腹心  
也弘道達於天地之性命也

或譏以無功

李善引項岱曰或有譏班固雖篤志博學無  
功勞於時仕不富貴也

蓋聞聖人有壹定之論列士有不易之分

李善引項岱曰謂庀義堯舜文王周公孔子  
也論論道化也一定五經垂之萬世后人不  
能改也分決也謂許由巢父伯成子高夷齊  
吳札自然之決不可變易也

孔席不煖墨突不黔

蕭該音義曰煖呂靜曰温也乃卯反黔字林  
曰黧黑也音荅又音匡炎反

躬帶冕之服

李善引項岱曰帶大帶也冕服三公卿大夫之服也

轡龍虎之文舊矣

李善引孟康曰轡被也蘇林曰謂被龍虎之衣也易曰大人虎變其文炳言文章之盛久也愚按此本兩家之說師古刪去蘇林之名專屬孟康

卒不能攄首尾

蕭該音義曰攄字林曰舒也尹於反又擬也聞之者享震



宋祁曰享當作嚮注同

徒樂枕經籍書

蕭該音義曰籍才亦反韋昭音義作菴字慈  
固反說文曰菴茅籍也從草祖若如韋昭音  
則漢書本作菴字

上無所帶

李善引韋昭曰帶都計切

銳思於毫芒之內

李善引項岱曰毫毛也芒毛之顛杪也

然而器不賈於當已

宋祁曰詩曰賈用不售賈音古

雖馳辯如濤波擄藻如春華猶無益於殿最

李善引如淳曰潮水之激者為濤波韋昭曰  
擄布也藻水草之有文者漢書音義曰上功  
曰最下功曰殿

主人適爾而笑

李善引項岱曰適寬舒顏色之貌也讀若攸  
守突與之熒燭

蕭該音義曰郭璞曰突音突該謂依儀禮宜  
音徒骨反

周失其御侯伯方軌戰國橫騫

李善引項岱曰周王失牧御之化也方併也  
軌轍也東西交馳謂之騫七國爭疆車既併  
轍騎復橫騫

於是七雄虓闕分裂諸夏龍戰而虎爭

李善引晉灼曰詩云闕如虓虎項岱曰龍以  
喻人君周易曰龍戰于野其血玄黃虎以喻  
猛力爭不以任也 蕭該音義曰虓紫字林

音孝

風颺電激

蕭該音義曰風颭該案韋昭音義作風颭云  
颭風之聚隗者也音庖今漢書並作風颭而  
電激也說文曰颭或作颭颭音甫堯反

煜雪其間者

蕭該音義曰韋昭煜音呼夾反雪音于俠反  
服虔曰煜音近霍叔音為育雪音暈邇之暈  
李善文選注以此字林曰雪震電也  
句為晉灼之言

擗朽摩鈍鉛刀皆能壹斲

蕭該音義曰韋昭曰擗女權反說文曰擗按  
也史記曰擗髓腦湔浣腸胃

夫啾發投曲

李善文選注引項岱曰啾口吟也投曲投合  
歌曲也

淫蠅而不可聽者非韶夏之樂也

蕭該音義曰韋昭曰若蠅虬之聲也 宋祁

曰一本無也字

因勢合變偶時之會

李善引項岱曰容宜也或因際會之勢合變  
誦之事遇時偶整得容也一本遇多為偶容  
多為會

及至從人合之衡人散之亡命漂說

李善引韋昭曰從人合之助六國者衡人散之佐秦者也項岱曰委君之徒謂之亡命謂亡君命也

李斯奮時務而要始皇

李善引項岱曰奮發也時務謂六國更相攻伐爭為雄伯之務

以求一日之富貴

宋祁曰浙本去以字

福不盈眦

蕭該音義曰皆字林曰目厓也才賜反  
凶人且以自悔况吉士而是賴虐

李善引項岱曰凶人謂商鞅之輩臨死敗皆  
悔恨之言吉士班固以自託也尚書曰其惟  
吉士

說難既酋

蕭該音義曰酋鄭氏曰執也韋昭曰終也  
孟軻養浩然之氣

李善引項岱曰皓白也如天之氣皓然也  
彼豈樂為迂濶哉道不可以貳也

李善引項岱曰迂遠也貳二也君子履端於始歸成於終擬聖人之道豈可二行如斯鞅韓非不韋之徒也

夷險芟荒

李善引晉灼曰發開也今諸本皆作芟字

廓帝絃恢皇綱

李善引項岱曰絃張也皇君也

是以六合之內

李善引韋昭曰六合天地四方也

得氣者蓄滋失時者苓落



李善引項岱曰蕃盛也零凋病也言遇仕者  
昌盛不遇者凋病如萬物於天地之間也  
參天地而施化豈云人事之厚薄哉

李善引項岱曰參三也言漢家之施化布德  
周參天地豈人所能論耶

欲從旄敦而度高虜泰山懷沈濫而測深虜重  
淵亦未至也

蕭該音義曰爾雅曰前高後下曰旄丘詩有  
旄丘篇字林曰前高後下曰塋音此與爾雅  
同塋音毛又亡周反今人呼為務音乖僻多

矣沈濫舊作沈檻韋昭曰水側出曰沈泉音  
範涌出曰濫泉音濫 宋初曰未至字下當  
有後下字 愚按文善注文選本引服虔曰  
敦音頓頓丘也

若夫鞅斯之哀周之凶人

李善文選注引項岱曰周衰五霸起鞅斯說  
行故言哀周凶人也

齊寧激聲於康衢漢良受書於邳沂

蕭該音義曰韋昭曰五達為康呼坑反該案  
事出爾雅該讀康如字未詳韋氏音沂韋昭

作恨曰恨限也謂橋也吾恨反

匪詞言之所信

蕭該音義曰詞字書曰古辭字

劉向司籍

李善文選注引項岱曰司主也籍書籍也

婆婆乎術藝之場

李善文選注引項岱曰婆婆偃息也場圃講  
經藝之處也

用納虜聖聽列炳於後人

李善文選注本聽作德引項岱曰聖德明君

知賢而納用之也烈業也後人著書傳之後  
世

顏眺樂於算瓢

蕭該音義曰字書曰算筭也一曰小筵丁安  
反瓢蟲也父么反

聲盈塞於天淵

李善引項岱曰言若此之榮名上達皇天下  
洞重泉也

迺文迺質王道之綱有同有異聖詰之常

李善引項岱曰或施質道或施文道此王者

所以為綱維也有同仕遇而進有異不合而退此聖人之常道

慎修所志守爾天符委命共已味道之腴

李善引項岱曰符相命也腴道之美者也神之聽之名其舍諸

李善引項岱曰有賢知君子行之如此神豈舍之乎

隋侯之珠藏於濳蛤虜

蕭該音義曰濳蛤字書濳蜃屬也步頂反蛤燕雀化所作也秦曰牡礪

應龍潛於潢汙

李善文選注引項岱曰天有九龍應龍有翼超荒忽而據顛蒼也

蕭該字書曰踈案字書無足旁虞字犹應是踞字字書踞蹲也已恕反字書曰顛白貌也音昊楚辭昊白顛顛該案爾雅曰春日蒼天夏曰昊天今作顛者此古書假借用耳

昔闇而久章者君子之真也

李善引項岱曰時闇未顯用時也久舊也也言君子懷德雖初時未見顯用後亦終自

明達如應龍蟠屈而升天隨和先賤而後貴也如此是比君子道德之真言屈伸如一無變也

若乃牙曠清耳於管絃離婁眦目於毫分

李善引項岱曰牙伯牙也曠師曠也管鐘律之管絃琴瑟之調也毫分秋毫之未分也般輸權巧於斧斤

蕭該音義曰韋昭曰權猶專也該案音較晉灼音義作權字云劉氏云權效也咸言極也晉灼曰權見也盡也愚按李善文選注引

項岱曰公輸若之族名班

良樂軼能於相馭鳥獲抗力於千鈞

李善引項岱曰良王良晉人也樂伯樂秦穆  
時人也軼過也王良善御馬伯樂善相馬抗  
力力抗也三十斤曰鈞千鈞者三萬斤

蘇鵠發精於鍼石研柔心計於無垠

蕭該音義曰鍼字林曰所以縫也之心反

愚按李善文選注引韋昭曰研范蠡之師計  
然之名也

僕亦不任厠技於彼列



李善文選注本僕作走引服虔曰走孟堅自謂也

叙傳第七十下

為春秋考紀表志傳凡百篇

師古曰春秋考紀謂帝紀也而俗之

學者不詳此文乃曰漢書一名春秋考紀蓋失之矣

劉奉世曰顏說亦非也考成也言以編年之故而後成紀表志傳非止於紀也語兼於下

聰明神武

李善文選注引項岱曰聽于無聞曰聰照臨四方曰明以內知外曰神尅定禍亂闢土斥

疆曰武

秦人不綱罔漏于楚

李善引項岱曰秦重歛殘人天下叛之故賤  
言人耳綱以喻綱網無綱無所成故漏也言  
秦人不能整其綱維今綱自漏也于楚謂陳  
涉反而不能誅故高祖因而起

登秩而神

宋初曰秩當作祭

時舉傳納聽斲惟精

劉奉世曰時舉謂時而颺之也

闕尹之咎

蕭該音義曰韋昭皆作推字云子爾反劉氏  
云摧效也或言極也晉灼曰摧見也盡也使  
為政以病其治也今漢書本或誤作疵字或  
作咎字

孝成煌煌臨朝有光威儀之盛如圭如璋

李善引項岱曰煌煌華色盛也珪璋玉之妙  
好彫鏤者

亦允不陽

李善注文選本亦作光引項岱曰允信也內

損於飛燕外見墜於王鳳等信不得陽也

宋初曰卽本亦字作光

彫落洪支

服虔曰廢退王氏也

劉奉世曰洪支謂東平王雲非王氏也 曰

知錄曰謂中山東平之獄服虔以為廢退王

氏非

亦有紹土

宋初曰監本浙本越本作亦猶有紹

昭躡見戒

蕭該音義曰韋昭曰昭明也躡是也

自茲距漢北亡八支

左傳疏引尚書中候曰齊桓之霸遏八流以  
自廣 水經注曰禹貢兗州九河既道矣謂  
徒駭太史馬頰覆釜胡蘇簡潔鈎盤鬲津也  
同為逆河鄭玄曰下尾合曰逆河言相承受  
矣蓋所潤下之勢以通河海及齊桓霸世塞  
廣田居同為一河故堰以北館陶瘦陶貝邱  
鬲般廣光信都東光河間樂成以東城地並  
存川瀆多亡漢世河決金堤南北離其害議  
者常欲求九河故迹而川之未知其所是以

班固云自茲距漢北亡八支者也

沐浴尸鄉

水經注曰班固曰尸鄉故殷湯所都者也故亦曰湯亭薛瓚漢書注皇甫謐帝王世紀並以為非以為帝嘗都矣晉太康地理記並言田橫死於是亭故改曰尸鄉非也余按司馬彪郡國志以為春秋之尸氏也其澤野負原夾郭多墳隴焉

雲起龍襄化為侯王

梁書劉之遴傳曰今本韓彭英盧吳述云信  
惟餓隸布寔黥徒越亦狗盜芮尹江湖雲起  
龍襄化為侯王古本迹云淮陰毅毅杖劍周  
章邦之傑子實惟彭英化為侯王雲起龍驤

窘世薦亡

師古曰  
窘仍也

愚按窘迫蹙也言長與安享國不長久也

凶德相挺

蕭該音義曰韋昭曰相挺極也淮南子曰陶  
人之尅挺植許慎曰挺抑也太玄經曰與陰  
陽挺其化宋忠曰挺和方言曰挺取也聲類  
曰挺一曰柔也老子曰挺植以為器

江都詆輕

蕭該音義曰蘇林曰詆音少年輕薄毀斂息  
憲之斂如淳音樵

薰胥以刑

蕭該音義曰韋昭曰腐刑必薰之餘殘曰胥  
六世耽耽其欲淑淑

蕭該音義曰耽蘇林音潭音灼音義曰耽視  
近而忘遠也音大含反應劬曰耽近也悠遠  
也言武帝內興文學外耀神武耽耽悠悠而  
盛也余謂耽當音當含反



廣德當宣近於知耻

愚按盖用中庸語

不營不拔

宋祁曰營當作榮

類禡厥宗

應劭曰禡者馬也馬者兵之首故祭其先神

刊誤補遺曰按爾雅釋是類是禡曰師祭既

伯既禱曰馬祭盖以禡為師祭禱為馬祭云

爾說文禡字注云馬祭也引詩既禡為證周

官旬祝馬禡杜子春曰禡禱也為馬禱無疾

引爾雅既禱馬祭為證合許杜之說平章之

禡為馬禱則禡非馬祭矣毛公誤認爾雅馬  
祭為釋上文伯字乃謂伯為馬祖應氏承誤  
從而為之辭自禱而之伯自伯而之禡此盤  
鐘燭籥轉而相之者邪說文所引與今詩字  
小異或魯韓齊詩云